

1000 gsichter

säg spiegu, was luegsch du meh so a
graui ouge, grossi schnore, wo frogt
was söu das aues do
hesch du me elleige glo

d'schärbe flüge em herbscht i süüde
verlüüre sech ir nacht, tanze met em mond
ond chöme weder zrogg
met em erschte sonneschiin

du, hesch öppe tuusig gsichter

du, weisch öppe tuusig gschichte

du, besch es chamäleon

so gang doch dine farbe nah, so gang doch dine farbe nah

es het no gluet, mängisch stimmt's doch ou för de
mach de ned zue
chomm flüg de wouke nah
wo esch dä afang vo däm ozean

du, hesch öppe tuusig gsichter

du, weisch öppe tuusig gschichte

du, besch es chamäleon

so gang doch dine farbe nah, so gang doch dine farbe nah